



ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ
ՊԵՏԱԿԱՆ ԵԿԱՄՈՒՏՆԵՐԻ ԿՈՄԻՏԵ

ք. Երևան, Ս. Դավթի 87ա

<<31>> հուլիսի 2018թ.

Ո Ր Ո Շ ՈՒ Մ No. 2069/05-26

Ջկատարված հարկային պարտավորությունները գանձելու մասին

Հայաստանի Հանրապետության պետական եկամուտների կոմիտեի աշխատակազմի իրավաբանական վարչության պետ Ա. Մնացականյանս քննարկելով անհատ ձեռնարկատեր Արգամ Քալանթարյանի վերաբերյալ վարչական վարույթի նյութերը

Պ Ա Ր Զ Ե Ց Ի

Համաձայն հարկային մարմնում առկա անձնական հաշվի քարտի տվյալների անհատ ձեռնարկատեր Արգամ Քալանթարյանի (ՀՎՀՀ 27850703, հասցե՝ ՀՀ ք. Երևան, Աջափնյակ թաղ. Բաշինջաղյան փ. 191-1, պետ. գրանցման համարը՝ 271.05061) <03> հուլիսի 2018 թվականի դրությամբ չկատարված հարկային պարտավորությունը կազմել է 303.181 դրամ, որից ապառք՝ 53.506 դրամ, տույժ՝ 4.873 դրամ, տուգանք՝ 244.802 դրամ:

Վերոհիշյալ պարտավորության մասով Հայաստանի Հանրապետության պետական եկամուտների կոմիտեի աշխատակազմի իրավաբանական վարչությունում, համաձայն <<Վարչարարության հիմունքների և վարչական վարույթի մասին>> ՀՀ օրենքի 30-րդ հոդվածի 1-ին մասի, հարուցվել է վարչական վարույթ չկատարված պարտավորությունը գանձելու վերաբերյալ՝ վարչական ակտ ընդունելու նպատակով, որի մասին <09> հուլիսի 2018 թվականին ԱԶ Ա.Քալանթարյանը պատշաճ կերպով ծանուցվել է, սակայն վարույթի նյութերին ծանոթանալու համար չի ներկայացել և նշվածի վերաբերյալ որևէ բացատրություն չի տվել:

ՀՀ ԿԱ ՊԵԿ Էրեբունու ՏՀՏ-ի կողմից 23.08.2016 թվականին կազմվել է թիվ 2131581 ստուգման ակտը, որով արձանագրվել 150.000 դրամ տուգանք, որը սահմանված ժամկետում չվճարելու հետևանքով կրկնապատկվել է: Մասնակի վճարման արդյունքում ՀԴՄ-ի տուգանքի պարտավորությունը կազմել է 244.802 դրամ, իսկ սոցիալական ապահովության վճարի 721 դրամ տույժի գումարն առաջացել է 31.05.2011 թվականի թիվ 2101225 ստուգման ակտից, որը ենթակա չէ գանձման սույն գործով:

Արդյունքում սույն որոշմամբ գանձման ենթակա օրենքով սահմանված ժամկետում չկատարված հարկային պարտավորությունը կազմում է **57.658 դրամ, որից՝**

Եկամտային հարկի գծով պարտավորությունը կազմում է **5.607 դրամ**, որից ապառք՝ 5.000 դրամ, տույժ՝ 607 դրամ, որն առաջացել է իրավահարաբերության ծագման պահին գործող <<Եկամտային հարկի մասին>> ՀՀ օրենքի 10-րդ հոդվածի 1-ին մասի 8-րդ կետով նախատեսված՝ 2017թ. թվականի դեկտեմբեր ամսվա եկամտային հարկից և ՀՀ հարկային օրենսգրքի 401-րդ հոդվածով հաշվարկված տույժերից.

շրջանառության հարկի գծով պարտավորությունը կազմում է **52.051 դրամ**, որից ապառք՝ 48.506 դրամ, տույժ՝ 3.545 դրամ, որն առաջացել է 2017 թվականի 4-րդ, 2018 թվականի 1-ին եռամսյակների շրջանառության հարկի հաշվարկներից և ՀՀ հարկային օրենսգրքի 401-րդ հոդվածներով հաշվարկված տույժերից:

Գանձման ենթակա չկատարված պարտավորության նկատմամբ օրենքով սահմանված կարգով և չափերով հաշվարկվում են տույժեր:

ՀՀ հարկային օրենսգրքի 4-րդ հոդվածի 1-ին մասի 1-ին կետը սահմանում է, որ հարկը պետական և (կամ) հասարակական կարիքների բավարարման նպատակով Հայաստանի Հանրապետության պետական և (կամ) համայնքների բյուջեներ վճարվող պարտադիր և անհատույց գումար, որը վճարվում է հարկ վճարողների կողմից՝ ՀՀ հարկային օրենսգրքով սահմանված կարգով, չափերով և ժամկետներում:

Համաձայն <<Հայաստանի Հանրապետության 2018 թվականի պետական բյուջեի մասին>> ՀՀ օրենքի՝ ՀՀ պետական բյուջեի եկամուտների հիմնական աղբյուրը հարկային եկամուտներն ու պետական տուրքերն են, որոնց հավաքագրման շնորհիվ են կատարվում նույն օրենքով նախատեսված հանրային, պաշտպանության, հասարակական, անվտանգության, դատական գործունեության և այլ ոլորտներում նախատեսված ծախսերը: Նշվածից ելնելով և հաշվի առնելով պարտավորությունների գանձման կարևորագույն հանրային նշանակությունը՝ **սույն որոշումը ենթակա է անհապաղ կատարման:**

Վերոգրյալի հիման վրա, ղեկավարվելով ՀՀ հարկային օրենսգրքի 398-րդ հոդվածի 5-րդ մասով, <<Հարկային ծառայության մասին>> ՀՀ օրենքի 4-րդ հոդվածի 9-րդ մասով և <<Վարչարարության հիմունքների և վարչական վարույթի մասին>> ՀՀ օրենքի 55, 56, 58, 88 հոդվածներով՝

Ո Ր Ո Շ Ե Ց Ի

1. Անհատ ձեռնարկատեր Արգամ Քալանթարյանից գանձել **57.658** դրամ պարտավորության գումար:
2. Սույն որոշումն օրենքով սահմանված ժամկետում անբողոքարկելի դառնալուց հետո ուղարկել կատարման ՀՀ ԱՆ ԴԱՀԿ ապահովող ծառայություն:
3. Որոշման օրինակն եռօրյա ժամկետում ուղարկել հարկ վճարողին:

4. Սույն որոշումն ուժի մեջ է մտնում <<Վարչարարության հիմունքների և վարչական վարույթի մասին>> ՀՀ օրենքի 59 հոդվածով սահմանված կարգով՝ իրազեկելուն հաջորդող օրվանից:
5. Սույն որոշումը կարող է բողոքարկվել վարչական մարմին՝ <<Վարչարարության հիմունքների և վարչական վարույթի մասին>> ՀՀ օրենքի 70, 71 հոդվածներով սահմանված կարգով, ուժի մեջ մտնելու օրվանից երկամսյա ժամկետում կամ ՀՀ Վարչական դատարան:

**ԻՐԱՎԱԲԱՆԱԿԱՆ
ՎԱՐՉՈՒԹՅԱՆ ՊԵՏ**

Ստեփանյան



Ա. ՄԱՅԱԿԱՆՅԱՆ

Ստացա որոշման օրինակը

Ստորագրություն

Խարկ վճարողի /կամ ֆիզ. Անձի/ պաշտ. Անձի անուն ազգանուն

ամսաթիվ

Կատարող՝ ԻՎ ՀԳ քաժին,
գլխավոր մասնագետ Մ.Մաթևոսյան
հեռ.0285-4-19-84